

中華民國郵政局特准掛號認爲新聞紙類

紹興醫藥學報

第十卷第五號

中華民國九年五月二十日出版

紹興醫藥學報第十卷第五號

(原一百〇九期)

編輯者 紹興裘慶元吉生

發行者 紹興醫藥學報社

印刷者 紹興印刷局

分售處 各省各書坊



歡迎轉載

鯨溪陸氏醫述十五種之一（外候答問）現已出版
計白連史紙精印國裝六冊定價大洋八角郵寄中
國境內加費五分外國各埠加費二角該書爲江蘇
陸晉笙先生手輯凡中國數千年來諸家之經驗去
其冗繁擷其精華設爲問答體說明外現之各種症
候裨益醫家臨證實匪淺尠一個月內廉價六折

紹興醫藥學報

第十卷第五號

瘡癩病源及其治法

療治瘡癩之患須知其致病之由則醫治非僅見功於病狀須除其病源為尚也其致病之毒胚係在血中是以章廉士大醫生紅色補丸有專治之功矣今日各國中之患瘡癩者由紅色補丸補血清血之功而得獲全愈強健復原者何啻以千百計耶敝局接得各處來信均聲稱是丸之奇功即如福建廈門總商會會長鄭渭同先生亦千萬治愈中之



鄭渭同先生

奉送衛生小書

書名曰延齡妙術以及各種衛生小書如欲索取即須寄一明信片至以上所列地址原班郵送可也

一份子也來示云鄙人體質素弱早歲隨商會會長鄭渭同先生亦千萬治愈中之信均聲稱是丸之奇功即如福建廈門總原者何啻以千百計耶敝局接得各處來補丸補血清血之功而得獲全愈強健復

每交冬令輒服補品及藥酒之類皆不甚見功嗣經旅廈同鄉勸服章廉士大醫生紅色補丸遂購數瓶試服之果著奇效現雖年屆花甲而飲食步履較前增健體氣亦覺漸強如章廉士大醫生紅色補丸洵足稱為海外靈丹人間妙藥矣誌數語聊表微忱并以告同胞之有病者已未初冬香山鄭渭同誌於廈門總商會

韋廉士大醫生紅色補丸乃是天下馳名血虧腦疲所致各症之聖藥也曾經治愈血薄氣衰 瘋濕骨痛 山嵐瘴癘 腳氣浮腫等症對於婦科各症尤見神效凡經售西藥者均有出售或直向上海四川路九十六號韋廉士大醫生藥局購每一瓶英洋一元五角每六瓶大洋八元郵力在內

時令常備要藥及發行書目

痢疾萬應散 每瓶 四分	瘧疾五神丹 每瓶 一角	急痧真寶丹 每瓶 一角	回陽救急丹 每瓶 二角	霍亂定中酒 每瓶 一角	急救雷公散 每瓶 一角	痧氣開關散 每瓶 五分	查麴平胃散 每方 分六	萬應午時茶 每方 一分	滲濕四苓丹 每方 二分	立消痲子粉 每袋 二分
肝胃氣痛丸 每瓶 二角	金箔鎮心丹 每瓶 三角	萬應保赤散 每瓶 四分	厥症返魂丹 每粒 二角四	立效止痛丸 每瓶 三角	開閉煉雄丹 每兩 八角	犀珀紫寶丹 每顆 六角四	太乙紫金丹 每顆 二角四	葉氏神犀丹 每顆 三角	樟腦精酒 每瓶 二角	沉香百消麴 每方 分四
針灸大成 近刊 六册 五角	慎齋醫書 近刊 二册	先醒齋廣筆記 近刊 四册	潛齋醫學叢書 十六册 洋二元五角	臨證醫案筆記 一册 六角	是書為治去秋時疫之病源 生理病狀診斷治療豫防各 法皆屬經驗發明 一册 一元	秋瘟證治要略 一册 三角	瘟痧證治要略 一册 三角	喉痧證治要略 一册 六角	規定藥品商權 上册 三角	訂增 醫醫病書 一册 五角

興城內縣西橋南首和濟藥局發行

◎神效除痛散

夫人之疾苦惟疼痛最為難受欲除此病必服此散無不藥到春回患者一試方知言之不謬並且無論何種疼痛皆可即時立止鄙人經驗多年未可自私今特公諸病者夫乳婦妊婦均忌服每袋一包開水一茶杯食後一次和服一日服二次每次一包每袋大洋一角五分
總發行所鎮江城內五條街楊燧熙醫室內

●時疫奪命散

近來天時涼暖不一世人稍一不慎不拘老幼及婦女每發時疫見症咳嗽嘔吐頭疼骨痛惡寒發熱有汗(或無汗)甚則神糊譫語氣急鼻煽肢冷脈伏腹痛絞腸刺胸吊腳縮筋霍亂吐瀉不省人事以及山嵐瘴毒皆陰陽乖戾之氣(見紹興醫藥學報及星期增刊滬報)等一須將此散分二次吹入鼻中小兒分四次其性平和寒熱均宜邪從口鼻吸入居其多數仍由此出內服外嗅俱有效力每瓶大人內服分二次小兒分四次孕婦不忌此方劉吉人先生經驗多年不敢自秘特此以濟時疫之急需亦治腦寒腦熱腦漏鼻淵鼻塞鼻疔鼻茸時流穢涕等每瓶大洋二角
總發行所鎮江城內五條街楊燧熙醫室

▲本報星期增刊第十七號目次

小言

我以前不做白話文的意思守
勸掩埋厝棺為彈疫好方法周鎮真

警告

說羅孟然母暴亡 周鎮

學術研究

折背叟
答暈船治法 唐盛嗣

問麻黃與根有何分別

竟成
問枸杞子性味

治療顧問

唐盛嗣
答千日瘡治法

問遺精一氏問遺精症治法

楊燧熙
問遺精丁一山方可服否

竟成
問外症治法二則 郁濟煥吳綬章

慈谿韓成之
問喉病

江陰沈頤
問腹痛症治法

紹興東關婁德泉
小便不清治法

答沈耕莘問遺精治法宜春王國材

專著

種痘淺說(續十五期)江陰承夢琴

▲本報星期增刊第十八號目次

小言

心病 守真
衛生談 守真
嗜好飲食物之利害 守真

警告

上海有傳染病出現(錄新聞報)
常州奇疫之危險(錄新聞報)

時疫疫厥集方(續)

周小農

學術研究

周小農
答盧育和君質疑四則

治療顧問

周小農
答慈北宓望森問胃病治法

鎮江楊燧熙

答馮甘棠君問腰痛治法

前一人

答鎮江章壽芝先生問病一則

嵒縣竹餘祥

答韓成之君問喉病治法

紹興史久鏞

答婁德泉問小便不清治法前人

嵒東竹芷熙

答朱振華問臍脹

▲本報星期刊第十九號目次

●小言

人參再造丸並不是補藥 周鎮

●警告

忠告防疫醫員 逸 人

●學術研究

藥學質疑二則 逸 人

●醫學研究質疑四則

答杭縣沈仲圭問學醫入門法 逸 人

●答沈仲圭問學醫書

答方肇元問十日瘡治法 時逸人

●問婦人腹痛治法

問淋毒治法 楊燧熙

●問陳守真君問孕雙胎

問精不固治法 寒 馬家達

●答方肇元問十日瘡治法

答亞東病夫問遺精病治法 竹餘祥

●再問遺濁症

問母病治法 瀟湘郭貽女

●徵求眩暈治法

慈谿藥安祈 章毓琛

▲本報星期增刊第二十號目次

●小言

敬告投函責問的諸君 裘吉生

●警告

預測去年夏時盛行的霍亂病桿菌 樵石投稿

●衛生談

家庭衛生(續十一號) 沈慎齋

嗜好飲食之利害(續十八號) 守真

●治療顧問

答沈耕莘君問目疾治法 黃國材

●答范琦君問父病痰症治法

答鎮江楊燧熙君一則 析背叟

●專著

種痘淺說(續十六期) 江陰承夢琴

●醫事閒話

答游戲問題(一) 乃靜又贅(廣益

●名)

答激聲之遊嬉問題二則

醒生育和氏

紹興醫藥學報第十卷第四號

(原一百〇九期)

目次

論文

(一) 評論(續一百〇八期)

閱馮前大總統病狀醫案之感言

松江查貢夫

中西醫一斑批評(靈子術家潛修居士陶如山著)

竹餘詳錄

論歷代著作家之宗旨與得失

逸人

醫藥進步談

古黟王蘭遠

抵制劣貨之醫藥觀

冷如

中醫宜在上者提倡說

東雷

新潮與醫學

裘吉生

學術

(一) 證治精辨(續一百〇八期)

治目芻言

紹興明明齋徐德新

風溫傳衛襲榮證治

沈仲圭

讀時感證邪熱內陷辨書後

盛澤王鏡泉

論下胞衣之法

宜春王國材

辨死胎正誤

前人

(二) 社友醫案存要(續百期紀念增刊)

上搭治驗

鎮江楊燧熙

溫病治驗

前人

時疫治驗案二則

鎮江袁綠野

急性悶疫新治驗

徐相宸

初次治疫之僥倖

姚楫君

驗案記略

古黟王蘭遠

腎虛陽浮宜慎沁浴案

前人

紫金錠治愈腦脊髓膜炎二例

富陽朱明初

雜著

(一) 雜纂(續一百〇七期)

與陳守真君論鬼病

嵯縣竹餘祥

鎮江醫俗

袁綠野

釋方

江都陳龍池

舌苔問答新解釋

宜春王國材

(二) 通訊(續一百〇五期)

答盧育和先生論臍風症治意見書

蘭溪方肇元

致周小農君函

張樹筠

致張君汝偉函

王祖彪

閱馮前大總統病狀醫案之感言

松江查貢夫

閱第十號第三卷載有馮公華符病狀醫案一則見其中醫屢易西醫飽嘗概皆無效不能不有感而言焉在中醫當時審察病情處方立案各有見解豈敢妄參末議惟統閱諸方推蕭君一方較爲妥適方中有空沙參一味張君按北京藥肆中無此藥查本草從新空沙參卽薺苳固也按我松藥肆空沙參與南沙參同是老桔梗之根其色黑其中空其味甘又按薺苳即今之甘桔梗也古有二種一苦一甘今則有甘而無苦至論報載馮公病情初則自覺不適身怠腿微痛無甚大病而陳醫即照痛風治之治而無效再延德醫博爾氏診治共有五日五夜精神困頓烟飯不思痰盛面赤病漸深矣其間三易中醫方皆未服三醫之功過無干不料延西醫無效再延中醫十月二十九日以後中醫杜君診治矣又作冬溫論治斯時病勢已危卽據杜醫案云面赤而亮虛陽已上浮也日晡熱甚營分已內傷也今不論中西醫藥之

如何而獨論馮公身居高位公餘之暇不思整頓中醫保存國粹卽不爲一己性命計而獨不爲同胞性命計乎自以爲中醫日窳歐化東漸人民疾苦西醫皆可起死而回生目我國之傷寒金匱已非原書今病古方不無鑿柄（此二句是馮公作醫藥叢書之序言）視中醫在不論不議之列焉假令馮公當日知各省有醫會也而贊助之訪各處有良醫也而獎賞之再立中醫學堂培植繼起之後學專設中醫病院考察醫界之人材我中國地大物博豈乏良醫茹古涵今豈無實學登高一呼四方響應預作未雨綢繆之計何至臨渴掘井掘井而不及泉者也詎前請馮公爲醫藥叢書序云拔趙幟而立漢幟竊恐無是事也一語是目光中第知有西醫而不知有中醫也明甚自今觀之是漢幟之過歟抑趙幟之過歟不禁撫膺長嘆

中西醫一斑批評

（靈子編家潛修居士陶如山人著）

竹餘祥錄

現代醫學日新月異莫如西醫之進步最神速器械精良藥物完備世人故多信之

尤有效者更推外科療法真有起死回生之妙然是等器械與藥物果真對於人類諸般疾患皆有根本的治愈力乎皆能治病之原因乎余敢謂現代醫術皆不顧原因的治愈而惟頭痛醫頭脚痛醫脚而已惟現代深信西醫之進步眩於外科手術之新穎過信藥品之精良遂以爲對於疾患有萬全之效果其實真能治病之原因者幾何乎雖在醫者自身亦知其甚少也此非余等對於醫術爲過分之批難蓋現代醫學過於信仰唯物主義當然不能發見真正之治療力也况以彼之藥品雖云有效而毒藥極多即使注意其極量不至中毒然連續服之終不免起蓄積作用而釀成不測之禍患且藥物之爲用其一在作用於人體而增加其自然愈能其二在除去治療之障礙然凡藥物之除去治療障礙者同時障害他之生活機能而反不利於人體又西醫器械雖極精妙外科之切開縫合手段雖極神巧然截手割足毀傷貴重之身體至爲不具者未必不用此等手段即至於必死也况每有割腹破胸

而陷於不良者又何見外科醫術盡善盡美乎總之現代療法所施醫術概爲對症的不爲根本的例如有一種根本的病症加以種種變症醫者不過對症發藥治其變症而從未聞治其根本的變症至於醫爲仁術之觀念現代醫士絕無此思想惟知以醫爲職業以醫爲營利故不能虛心視察靜心診斷而一有不慎甚至貽誤者有之世人嘗言（藥殺十人不足言藥殺百人爲庸醫藥殺千人爲良藥藥殺萬人爲名醫）其言雖爲誣蔑之言實近理之言也夫現代醫術固爲進步生理病理解剖等固爲完全外科療法固爲卓拔然古來不治之難症今日依然爲不治之難症故基礎醫學縱極完全而醫學之目的在乎治療則未爲盡善盡美此等治療醫學之不發達皆由於過重唯物主義之故我等雖信現代醫術有真假然苟能治療上發見萬全之方法俾人生有絕大之幸福則尤爲我等所深願

中醫之基礎醫學與器械手段雖俱不及西醫然中醫以人類爲生命體則過之中

醫之診斷雖非如西醫有打診聽診各種然不用器械的診斷法而有望聞問切四診法爲其所長何謂望望顏面與全身之色澤及肥瘦是也何謂聞聞患者之苦痛呻吟及咳嗽喘氣呼吸而揣其病狀也何謂問問其本來罹病之有無發病以來之經過是也何謂切由望聞問三法而詳察病因病症乃切斷其吉凶安危也此外尙有腹候脉候舌候三法尤比西醫精密腹候如探其硬軟平滿壓痛部位及腹筋攣急強弱手壓之抵抗等心下有痞鞭症者察其形狀疼痛有無及腹部動脈安靜與否故腹候不獨診察胃腸病用之卽在腦胸四肢等疾病與腹部無關者亦必用之脈候不惟記每分脈搏之多寡并察其浮沉遲數虛實大小以判別病之進退緩急豫後之死生良否然後處方故脈候精通者能確指治愈日期及死亡日數而無誤舌候爲診察舌之伸縮色澤乾燥滋潤及舌苔有無厚薄等此等一般診查畢乃從事於其主病之診視及處方精於中醫者雖不用器械而自能察知疾患部位之廣

狹大小云

中醫所用之藥概爲草根木皮故不若西醫起蓄積作用致於中毒世人或侮蔑之以爲無用然服中藥而奏效其例甚多世人或謂中醫不用打診聽診器械不辨患部之或左或右或廣或狹（例如呼吸氣病不辨其病在肺抑在氣管等）而妄投藥石爲中醫咎不知藥之爲物不由左右廣狹而異中醫依上述之四診三候統觀全體病因而投以藥物雖於一小部之區域不加以研究而治其本體則枝葉自愈況左右廣狹與治法無大關係而藥效不因左肺右肺有區別以在此可證中醫之未可厚非也

西醫既定病症則處方千篇一律無大變化中醫不然同一症候其藥方互異此皆由於望聞問切及腹候脈候舌候之不同而藥方不得不互異也故甲醫乙醫所診之病名雖同而處方各異甲醫之方不効乙醫之方特驗者有之其故何歟診察之

精粗不同是也我等日常所好之食品因其體質境遇氣候及習慣而種種不同適於其人嗜好者消化容易不適於其人嗜好者消化困難西醫對於同一病症投以同一藥品猶之吾人日常取同一食物而欲得同一榮養可謂不知變通之甚以此論之中醫藥方之種類多調劑易迥非西醫可及也

藥物施於人體之徑路中西亦各不同西醫先研究藥物之性質試驗於諸多動物考究其生理作用醫治效能而後用於人體見其有效乃公表於世然其經驗與試驗固未有長久之年月也中醫雖不如西醫分析藥品之成分精而且密然先調查其藥味藥性識別其配合嫌疑以爲增減損益組成一方然後積長久之實驗施用於人體俟其奏效確實傳之於今已及二千餘年故中醫之方劑雖未經理化的試驗而其對於活人之實驗則時代已久用之有利無害可斷言也如彼腎臟炎助膜炎盲腸炎在西洋醫法以爲難治者中醫則皆容易治之是非中藥之勝於西藥之

明證乎

西醫之外科手術固過於中醫然其切斷截開縫合諸法巧則巧矣以云全治疾病則未必何也每有手術後不能速愈而遺爲痼疾或手術後就死不手術則不死者西醫之言曰（手術以後之生死屬於豫後不可前知）斯言也非自道其不知豫後乎治病而不知病之生死吉凶而猶妄行手術可謂不負責任之至中醫雖不能施行手術然對於患者負責任况其治病不在以手術眩人而在通觀病象之本原用內服藥以治之故對於肺炎不用濕布吸入對於婦人病不用洗滌敷塗對於瘰疽脫疽及骨膜炎癰癤不用十字切開而一以內服藥治之何也凡病不問內外皆由於本原而生治其本原則諸病自去西醫則知切除患部截斷病部而不知病毒遺留於內有再發續發之虞此亦西醫不及中醫神妙之點也總之中醫以內服藥圖血液之流通全身受藥品之功效而後從根本上芟除病毒爲主義故雖不用外

科手術而其效反過之

西醫對於急劇症狀如痙攣刺痛等注射一二回或內服藥一二貼其功甚大而對於長時服藥之重症及痼疾則中醫爲優何則西藥多有毒性連續服之則起蓄積作用而於腦脊髓及他重要器官發中毒作用故西藥不能去長病之病根而中藥可以補救之此又中藥勝於西藥之點也

總之中醫巧妙應用之必有起死回生之功然在庸劣之中醫則殺人者比比皆是西醫雖不及中醫之神效然優劣相差不如中醫之甚故西醫之庸劣者亦無大過近時患者好延西醫即此故也苟先用西法診斷定疾病之部位而後用中法診斷卜疾患之吉凶安危以中藥方投之則庶幾絜長捨短無大患矣

由上所述西醫爲部分的中醫爲全局的西醫治病末中醫治病本西醫治病偏於空間的只治現在患病之部位是也中醫治病爲空間的兼時間的治其現在病症

兼及於過去之病症未來之安危者也所惜者中醫之基礎醫學不完全有支離空虛之弊而其藥物亦非真正之藥物毋甯目之爲食養的藥物乃當耳

論歷代著作家之宗旨與得失

逸人

大抵可法可傳之言必出諸著作家者理也而著作家之言未必皆可法可傳者勢也理者事之常勢者事之變通其常達其變經緯萬端之道不外是矣故歷代著作家之遺籍雖博如江海而宗旨得失可略言也一爲集大成之作兼收博訪細大不捐如外台聖濟準繩綱目金鑑等是宗旨在與人規矩之方圓平直其得也理論詳備其失也泛雜不精一爲抒心得之作獨秉燃犀發爲偉論如孫思邈張元素劉守真張從正李明之朱彥脩薛立齋吳又可喻嘉言徐靈胎尤在涇張鳳達葉香巖石壽棠唐宗海諸前哲之遺著是其宗旨在表彰其獨得之秘其得也議論精巧有誘起後人之靈思其失也各造一班不免顧此而礙彼然當諒其因時制宜補偏救弊

之至意非泥定後人眼目以死於句下也乃後世醫者心存私利依樣葫蘆於諸家之籓籬尙未能鑒別遽揮而斥之曰各騁己見此派別之門戶所由來也嗚呼誤矣試取諸家之遺籍觀摩之內傷外感各別其源寒熱溫涼各明其用初何嘗有黨派之意見而爭執乎卽河間與易州之學不侔立齋與丹溪之道各別趙養葵張景岳與洄溪修園之不能合一均所謂見知見仁者也無統一之精神無合羣之主張決不能達完全之目的奚足云怪吾嘗謂歷代醫書各有所偏者正爲此也說者曰中醫多失傳西醫未造極吾則曰中醫亦未造極故種種之缺點尙未遑殫述如編輯書籍無一定體例診察方案無一定規模衣鉢相傳無一定教授以一症之微往往聚訟千語若全體之大乃竟研究無從針灸視由囁爲妄誕生理病理無此明文凡若此者何莫非中醫未造極之明證耶然此外尙有重要之問題焉蓋形體與精神之鑒別是也形體之病固能感應於精神而精神之病亦能波及於形體大抵七情

六慾精神病也宜治其精神六氣七傷形體病也宜治其形體今歷世相傳之方惟有治形體病之能確無除精神病之力凡遇有精神病者惟恃逍遙越鞠諸方以敷衍塞責與東醫治此用麻醉興奮奮者其伎倆等耳愈則貪天之功以爲己力否則莫可云何矣彼歷代著作家雖無微不至而於此大綱獨抱闕如豈明足以察秋毫之末而不見輿薪者乎吾於此不禁爲醫學嘆幼稚焉近日醫界發一良心上主張之言曰藥能醫假病又曰眞病藥難醫一唱百和聲應全國外人呼爲欺人之術彼等亦以欺人之況自處矣黑幕千秋一朝披露原不待外人之攻擊也吾於此不能無疑焉虛實寒熱之殊明如觀火汗吐下和之法應病若神醫非欺人者也麻黃桂枝之於汗大黃巴豆之於下標竿見影藥亦非欺人者也然則彼乃藉口於欺人者胡爲乎來哉噫我知之矣蓋精神與形體受病之異無識力以鑒別故也風寒暑濕燥火六氣之迭浸飲食房勞經絡氣機七傷之感受所謂形體病也宜用藥物獨勝之

氣質以調之此醫市之能事者也若精神上所起之病有斷非藥質所能治者卽近世繹本如催眠心理諸療法亦不過略得其皮毛閱者如欲深求其義則內經中言之甚詳細心參考可也

醫藥進步談

古黟王蘭遠

神州醫藥已爲五洲冠叩以鼻祖之肇興莫不曰神農嘗百草岐黃之靈素可見先聖殫精竭慮詳考藥性病情醫與藥不分門戶醫必先識藥而後識病藥未達不敢嘗松下問童子言師采藥去此古人必識藥醫生必備藥之微意也乃後之醫者漸漸離藥而爲醫湯方恃有歌訣藥籠不儲一物並且藥之根莖花葉如意苡當前眞僞莫辨稍強人意者若經學家著述辨一關雎動輒萬言僅向故紙堆中研鑽此中醫經歷進步之一大障礙今之提倡醫藥者鑒於外界侵略財源枯縮大警疾呼保存國粹振興藥業醫藥分鑣雙軌並進仍醫自爲醫業藥自爲藥業其中力圖改良

者固不乏人而不顧大局以偽藥誤人爲利是視者亦復不少醫藥家不提倡改良則已如改良也以鄙人居狎之管測如豆之目光各處醫藥會宜建設藥品陳列標本所任人參考爲醫者先識品類次詳性味繼合丸散以備倉卒危症療治之用醫不備藥如戰者徒張空拳不持寸鐵斷斷乎不能戰退病魔也試觀今之西醫出診藥籠精備雅典喬皇較之有文野之分巧拙之別中醫外科既已具體而微而內科不能不急起從事於斯誠能由鑑品識味進於化驗提精取華不假藥舖劣夥之手自毋秦越肥瘠之視猶之將兵者率旅親鍊一旦臨陣有身使臂臂使指收效甚捷芻蕘之貢不識是捫燭扣盤之謬論否

抵制劣貨之醫藥觀

冷水

抵制抵制之熱忱大矣抵制抵制之成績偉矣抵制抵制之歷時久矣愛國同心大有蒸蒸日上之勢嗚呼今日果何如耶他界事件吾不得而知矣敢請以醫藥事登

之

名詞也器械也藥品也吾醫界之實用者果爲之抵制耶抑爲之提倡耶熱血救國之聲浪而今已矣曾細思之其爲熱耶抑已冷耶

觀戒烟新藥杏仁精等暢銷於市不能已於言焉爰命筆以告閱者

中醫宜在上者提倡說

東 雷

醫藥爲科學中最深邃之一端其關於人民健康衛生至爲重要故東西各國對於醫士藥師皆於提倡中兼採制限之義非有專門技術之憑證不得懸壺問世因其關係生命至鉅大焉我國中醫其學術深邃技術精良者固亦代不乏人然因國家不爲提倡亦不制限遂至讀書不成者均得操觚從事於是中國醫術爲世詬病矣

新潮與醫學

裘吉生

萬類之進化無止境其能窺測自然催促進化者唯人爲最因人之欲念無滿足之

一日近世新思潮澎湃而來無他即要求人事上種種欲念之滿足已也雖思潮發生之初不過屬於少數人之理想然其結果要皆成爲多數人贊同之事實蓋前此理想原爲在事實上有感於不適而來也故一呼百應勢難遏止夫醫爲人事中最關重要人人之生命係之而今之醫學能適應此澎湃洶湧之新潮流乎吾恐微特徒持古說之中醫立足爲難則號稱新學之西醫亦當有所研精而對付也醫有保持人類健康之責人類進化程度愈高其用腦耗心愈極則保持健康之術因之窮矣挾新潮而爲文化運動者如臨陣衝鋒致死隊吾醫之責猶隨同致死隊赴陣之十字員而致死之境愈迫則設救之機愈急此理喻之甚淺明也奈何今之醫者不從有未滿意處隨着此新潮以求進步講舊學者惟排斥東西學之足以亡我國粹吾國天產藥物將無銷路矣操新法者但指摘古醫學腑臟部位錯亂五行生尅無憑噫是何益耶

治目芻言

紹興明明齋徐德新

讀十卷三號王君少舫所編治目宜按原因而擬藥不宜拘守眼科用眼藥之套法
二語旨哉斯言深得乎眼科之奧矣吾因之有感焉夫目雖開竅於肝而實則通五
臟之精華循腦筋皆上注於目考之血之精爲絡卽大小眥屬心火也爲血輪筋之
精爲黑珠屬肝木也爲風輪肌肉之精爲約束卽上下眼皮屬脾土也爲肉輪氣之
精爲白珠屬肺金也爲氣輪骨之精爲瞳神屬腎水也爲水輪又以五臟平利則目
無病而常明設有相觸則五臟受病而害目目現何臟部位昭昭可考矣故上智之
士頤養天真節勞寡慮事理通達心氣和平非特目力清爽而全體精神亦矍鑠年
登耄耋者多也不然稍有不慎或因六淫外感或因七情內傷致感於外者必傳於
內傷於內者必達於外其病狀不一或內外障翳或狂痛赤腫千頭萬緒變態多端
顧或者曰是不難也目中諸病均屬火症祇以大劑涼藥下之卽愈矣殊不知適遇

實症因此而奏效者固屬有之設非實症而隱受其害者實繁有徒每見世之病目者動以龍膽草清甯丸羊烏珠羊苦膽之類頻頻服之非遏火入內而不出卽因涼勢傷元而益劇迨病不可爲然後求醫大率類是噫何其愚也須知眼科有一百二十一症一症有一症之病因卽一症有一症之治法病有在表在裡有虛有實雖曰在表者溫之散之在裡者下之寒之在半表半裡者和之解之虛者補之實者瀉之此不過正治之法也若夫不內不外之症以及虛症似實實症似虛假寒假熱等症凡專是科者安可不細心辨認審慎周詳斟酌處方更有老幼強弱兼胎產痘瘡疔積之不同尤宜隨時注意隨症定方斷不能以眼科之套劑治之得以掃除瘴翳重見光明者也譬之作文家須先認清題目然後佈局用意措詞筆筆跟定題竅出之方爲得法若以通套之文敷衍則作者未見出色閱者亦無意味其何能取勝科場病卽題也方卽文也則非特眼科如是凡諸醫理均猶是也吾也學識有限醫理無

窮窺管之見願乞同社高明教之

風溫傷衛襲榮證治

沈仲圭

風溫者（風溫症時感卽病則輕伏氣內發爲重）由冬受微寒至春感風而觸發也雖見於春日實伏於冬時考其原由冬不藏精及冬傷於寒之二因蓋富貴之體冬不藏精寒邪伏於少陰勞動之輩動作汗出寒邪藏於肌腠至春感風而發則見頭痛惡風身熱自汗咳嗽口渴之證脈浮數苔微白治當以辛涼輕清之品如桑葉連翹牛旁象貝竹茹橘紅淡豉葱白前胡薄荷婁皮杏仁之類以透表宣解開其肺氣爲妥唯勞苦者病必日增腎虧者陰定即傷是又當審其體之勞逸強弱以爲方之損益也然亦有從（所謂新感觸發也）口鼻吸受非緣冬時伏氣者蓋春日風木司令人易感受且風爲陽邪必傷人身之衛氣而衛氣又主於肺本於胃故又必傷太陰陽明二經其見證頭脹惡風身熱自汗咳嗽喉痛聲濁治法亦宜用辛涼輕清之

品如延久不治或治不得法則邪入陽明榮分苔色變絳脉來滑數齒燥唇焦神昏煩躁譫語喋喋則前所擬之清透平劑不足用也宜以清熱解毒之重劑如犀角桑葉帶心連翹象貝鮮斛丹皮益元散黑山梔淨銀花鮮竹茹之類治之方能挽回否則或熱極生風而手足痲痺或逆傳心包而昏瞶不知多致變幻莫測耳

論中二方不過常法至如體質不同證狀或異則又在臨證者之隨機應變耳

讀時感症邪熱內陷辨書後

盛澤王鏡泉

今醫家之治時感症者每懼病邪之內陷矣今病家之患時感症者亦皆懼病邪之內陷矣以內陷二字爲口頭禪故遇當下之症無論醫家不敢用下方就令醫家用下方病家亦斷不敢服下方相率成風其貽害於社會者殊非淺鮮茲得裘君易其名曰上蒸醫家固可奉爲圭臬病家亦不至畏首畏尾乎雖然內陷二字取義甚廣感症蘊於腸中之邪熱邪已內陷更無內陷之可言若感症邪鬱於表則必須防其

內陷至推斯義而論之皮膚肌肉筋骨諸外瘍隨在有邪亦必須防其內陷正不得謂無內陷二字也總之邪未入裡而不慮內陷者非邪已入裡而猶慮內陷者尤非爲醫者能隨時隨處而融會貫通焉則得矣

論下胞衣之法

宜春黃國材

曾見嬰兒已產而胞衣不下致傷產婦之生命者不知凡幾此無他皆因未得善法救治故也蓋嬰兒已生胞衣在腹腔內已與產婦脫離血脈關係縱服湯藥只可調養產婦之精神氣血而不能催動衣胞之下行昔醫傳授雞頭蓮葉下胞衣有效言裂該葉爲四塊煎服則胞衣亦裂爲四塊而下愚初見此方卽疑無是理後試驗多次均無效果可知凡諸驗方理不足者則其效自不確不獨下胞衣一端爲然也愚治胞衣不下者每用手術取下未行手術之先將術者之手指甲剪除淨盡用胞皂洗淨再用酒精復洗拭乾然後緣臍帶探入拿住胞衣輕輕向下牽之如覺痛必胞

衣未脫離子宮用手摸索胞衣四圍如有黏着處用兩指作剪刀形輕輕剪斷然後牽出萬無一失

辨死胎正誤

前人

古書云面赤舌青母活子死面青舌赤子活母亡面舌俱青子母俱死愚依此法曾試驗多人有面青舌赤而子母俱死者如兄婦楊氏鄰婦劉氏是也若面青而母活子死者如弟婦余氏表妹張氏是也至於子死腹內而不見舌青者尤屬多數如黃氏婦周氏婦等是也然求其實驗可靠者惟產母自覺腹內微微觸動則知胎兒未死否則胎兒必死矣次則以耳貼壓產母腹上有胎兒處（或用聞診筒亦可）聞得胎兒心音則胎兒未死否則亦死用此兩法合診自無誤謬吾望海內醫家及早試之

按佛手散一方治胞衣不下與安活胎去死胎確有特效

上搭治驗

鎮江楊燧熙

鎮郡鼓樓崗陳姓婦患上搭偏左二星期正膿未出四邊腫硬如盤幸喜其色紅活
疼痛寒熱交作更衣數日一降診脉沉分滑數舌質光赤少苔口渴唇燥齒乾伊兄
邀余診治閱前服各方寒熱攻下表散補益均嘗矣燧覺諸瘡痛癢皆屬心火夾以
肝木之熱凝結使然致血分阻滯氣亦不行經以營氣不從逆於肉裡致生癰腫幸
頂高根束氣盛兮頂自高而突起血盛兮根脚束而無疑外用手術切開寸餘放其
惡血積膿盃許再將³%伽波匿酸藥水用器械吸入洗其內部消毒防腐插入象皮
管既可透膿又免閉塞之虞口面上灑黃臭藥少許提毒以⁵%海碘仿軟膏消腫以
¹%伽波匿酸軟膏且可收束根脚如此每日洗搽三次內服犀角地黃犀角易羚羊
三黃知柏地黃加味逍遙等去歸柴朮薑萸肉加石決明夏枯草山梔銀花連翹絲
瓜絡紫花地丁竹葉燈心海蜇荸薺鮮藕等出入爲方二三日寒熱解便行疹定四

五日腫消食進十餘日如常念餘日而脫腐生新惟舌佈新苔無多後以二冬玉竹瓊玉雪梨等膏以善其後俾氣陰有來復之兆矣

溫病治驗

前人

客歲冬令天乾雨雪遲見始爲燥熱所傷繼爲寒束藜藿之人飢飽失時勞悴過度體質先傷感邪較易膏粱之體專餌肥甘衣被重裘暗受其熱陰氣先傷陽氣獨發感邪亦易東門外陳鳳林年五十餘筆耕爲業見症寒熱咳嗽頭疼骨痛口渴欲飲胸悶痰色黃稠更衣旬餘不降少腹拒按小溲赤少身熱夜甚有汗不解神糊譫語時而肢振頻頻呃忒診脈沉滑數舌質光紅無苔唇齒乾燥延廿餘日危象畢呈已經中西醫十餘人調治未效舉家驚慌云無生理已備後事矣鄰右何子明邀予一決予斷曰症本冬溫而服傷寒之藥是以溫治溫致陰無涵養承制上潮之力陽有升騰阻逆擾亂之威夾痰火由肺胃逼迫逆傳心胞兼及陽明化燥傷陰倘能留得

一分陰氣即有一線生機溫病救陰傷寒護陽人人皆知然手經足經分治如地之南北大相懸殊何世醫顛倒治法哉拙擬先以牛黃清心紫雪輩清宮湯五汁飲等險象日除繼以犀角地黃調胃承氣涼膈銀翹新加黃龍燈草海蜇等出入連得汗下逐步效機末投知柏地黃二冬知貝枇杷葉雪羹萎蕤扁豆瓜絡竹茹等如此進退出入調理二旬始得健康此案本不足道然愚者千慮必有一得以供世之工於仲景而歧視鞠通者互相切磋以達美滿濟人之目的病夫幸甚同志幸甚醫報更幸甚也

時疫治驗案二則

鎮江袁綠野

陰歷二月十六卯刻鄰舍孫隆餘妻年四旬外卒病時疫神糊口噤診脈左絃而細右手浮中沉三部皆無四肢厥冷余曰此不治之危候也隨以臥龍丹吹鼻良久微噫亟用蘇合香丸一粒取其香開化濁兼以生茅朮三錢九節菖錢半川鬱金三錢

廣藿香三錢益元散五錢鮮貫衆三錢威靈仙三錢薄荷錢半橘紅錢半以水二碗煎取一碗化丸服之冀其神甦脈起厥回方有生機孰知病家藥已煎成而病者牙關不開無計將藥灌入病者之口默然坐視其危矣彼時余出診渣滓里歸來已是午刻詢問服藥後景况衆述藥難下咽矣不禁爲之愕然卽至病床觀之症勢如前忙取竹筋將牙撥開命病家緩緩灌之須臾藥皆灌下惟口角溢出不多令安睡勿驚擾至酉刻復診右脈三部皆起神昏依舊余曰是佳兆也命照原方接服一劑明日再診或曰此鬼神事禱之則已此唱彼和衆口同聲是夕病者已能言語但神糊而已莫不曰眞活菩薩也不祈禱能如是乎殊不知醫藥之功也良足慨矣故於是病家專事鬼神視醫藥如仇讐（此吾郡習俗使然不可移易頗爲吾輩掣肘）乃直至二十一日前後一星期耗費多金而毫末一收效果焉或謂敬神無濟仍當速延醫治之又復延余余固辭之再三哀懇余喟然歎曰治若有效必謂鬼神之力非

醫藥之功治若無效又謂鬼神惱怒醫藥害之矣似此有毀無譽所以固辭之另延他醫可也病家泣而告曰由茲不信鬼神矣請先生勿疑倘得回生自當重酬余測其意始方允所請（並非故意裝腔做勢亦藉此以破除迷信之習俗已耳）遂至病者之牀窺其面目煩赤神糊譫妄唇齒焦燥舌絳苔黑津液全無脉象細數大便秘結斷爲痰火內閉心胞營液告涸大有燎原之勢擬方開心胞以清營熱救陰解毒佐之方用元參心八錢鮮生地一兩五錢（生搗絞汁和服渣入藥煎）連心麥冬八錢（剪破硃染）粉丹三錢雙鈎藤三錢抱木茯神四錢（硃染）九節菖錢半化橘紅錢半整川鬱金三錢（磨汁和服）金銀花露四兩（後下）老竺黃八錢（同金器一具煎湯代水煎藥）至寶丹一粒（藥湯化服右藥以水三碗煎取二碗分三次服渣再煎服）次日復診神識已清燥熱未已苔脈如昨而月水又來周身痛楚此血熱妄行也當此之際清營救陰爲急務矣方用元參心六錢鮮生地八錢連心麥冬六

錢（剪破硃染）粉丹皮三錢抱木茯神四錢（硃染）丹參五錢雙鈎藤三錢忍冬藤
三錢福橘絡錢半肥知母四錢生龍齒六錢（先煎）老竺黃六錢（先煎）蓮子心錢
半次日又診餘無所苦惟口舌津液未回苔仍焦黑陰分大傷法當滋水制火方用
大生地五錢元參心五錢大麥冬五錢抱木茯神四錢夜交藤四錢酸棗仁三錢（
炒研）丹參四錢肥知母三錢生龍齒五錢（先煎）龜板八錢（炙先煎）甘蔗汁四
兩（蒸熟和服）前後服藥三劑病竟霍然又以養胃清金法善其後不揣鄙陋爰泚
筆以記之願吾同胞急宜革除惡習奉醫藥爲療病衛生之至寶乃可

渣滓里任君廣育令媛年十七暴病四肢抽搐筋攣口眼喎斜咬牙嚼齒神識昏迷
勢頗令人驚駭診其脉兩手緩大而滑左關絃硬舌苔淡黃厚膩余曰此風邪直中
厥陰引動內風風從火化風火相煽氣升痰湧痰阻竅絡以致如是亟以熄肝風宣
竅化痰治之方用明天麻三錢全蝎尾七條陳胆星三錢（隔水燉化和服）雙鈎藤

三錢抱木茯神四錢生龍齒五錢（先煎）九節菖錢半化橘紅錢半老竺黃五錢（先煎）西光珀四分（研末沖服）眞辰砂八分（研末沖服）金器一具（先煎）方甫書成奈滿室男女紛紛靡不以鬼神爲崇目之余叱之曰是病宜靜毋得驚擾汝等非救之實殺之矣猜鬼疑神本爲吾郡之惡習夫專事迷信奚有鬼神來耶矧此女病起倉猝其來也有風馳電掣之速若延緩時刻歸於不救其誰之咎歟能將此方服下必如鼓之應桴也任君唯唯余放胆言曰君能革除迷信吾能保君女無虞任君曰若小女再生皆先生之力也隨命購藥服藥後果如所言次日再診諸證悉平仍依原方減輕其制病已告痊難然功成神速頗滋惑焉故錄此以貢海內諸同道因其甚有研究之價值其爲中風乎抑時疫之一種乎

急性悶疫新治驗

徐相宸

鄭水鏡紹興人年十七歲在新開路中華圖書印刷所學圖書夏正元月廿八日起

病廿九日卽厥至初四人事清少糊多煩躁叫喊手足亂動苔糙灰三周時未更衣表不熱閉在裏初診方用麻黃(先煎去沫)一錢天葵草三錢山甲片一錢酒大黃三錢生石膏(打)六錢鮮菖蒲(打)錢半藏紅花乙分車前子三錢諸葛行軍散(吞)五分生萊菔汁(冲)乙杯服後煩躁出汗以四人管住手足勿令亂動大汗一周夜人事稍清前方去麻黃行軍散減輕天葵菖蒲車前子加風化硝(後下)三錢天花粉五錢得大便一次自午後二時睡至夜一時始醒人事全清大便續下數次似痢非痢頭痛口渴苔化其半胸仍未寬雖有轉機尙未出險至初六日診方羚羊(先煎)三分花粉五錢銀花三錢浙貝三錢中白三錢桔梗一錢滑石(包)三錢霜桑三錢荷葉乙角諸葛行軍散吞乙分竹茹一錢初七日改方胸已寬痢已止頭不痛人事清楚惟靜則喜睡醒則飢而索食去羚羊滑石桑葉行軍散加通草一錢冬瓜子皮(各)四錢初九日來改方病已告痊欲食乾飯授以調理輕劑以善其後

初次治疫之僥倖

姚楫君

同學唐崇蔭之甥陸善初十五歲上海人住海寧路浙江路東首朝南小街平房中秉賦中人夏正二月二十四夜洗浴而臥廿五早陡覺頭昏腦脹發熱無汗口乾胸悶至午遽已神識不清崇蔭拉余同往商酌脉勁搏指手足亂動舌絳不潤邊尖起紅瘰大便二日未行小溲熱赤而少來勢兇猛斷爲悶疫無疑卽用業師徐相宸夫子發明之急性悶疫主治原方崇蔭亦以爲然遂照原方分量疏方與之因謂崇蔭我輩見症雖確而年齒資格未到恐令親見此非常重藥未必放胆信服然不服此藥則此病必致不救今爲病者性命計不如君留此坐守之崇蔭首肯初飲一小杯繼進稍快卽吐汗隨吐出從頭額至頸而已繼行大小便皆甚暢便後乃熟睡五小時而醒頭昏已止神志已完全清晰舌布薄白苔知飢索食病已出險矣惟小溲未清微覺胸悶口乾舌邊尖尙有紅點餘熱未淨復方用天花粉三錢大浙貝三錢淨

銀花三錢漂中白二錢竹葉茹各二錢絲瓜絡三錢茄根(去心)一兩茄花(包)四錢冬萊菔汁一小杯三服後霍然愈矣

案此種急性悶疫余與崇蔭俱係初見而敢於毅然決然用此重藥者全恃平日講習之有素業師所治鄭水鏡事相距未遠又方編輯(急性險疫證治)襄校中心頭服底已若熟習此症者故不覺用之而竟效也

驗案記略

古黟王蘭遠

庚申年夏二月浙江起伏溫悶症西醫名腦脊髓膜炎症上海蘇州常州江陰無錫等處略有發見幸倏起倏滅未見蔓延鄙人二月間在無錫區域內療治經過有似是而非者略述數則就正有道有一戴姓婦年二十五歲體素健旺晨起在井汲水忽仆於地口噤牙關緊閉目合身僵診其脈雙手沈弦滑鄙人斷爲痰邪上壅急用蘇合香丸一顆另用竹瀝薑汁和合漱沖與服外飭壯年婦人用手極力摩擦四肢

肌膚以催促血脈流通至本日午後即開口能言後用豁痰去滯宣絡清熱等品一劑知二劑全

又鎗船艙長徐煥標年四十餘歲患伏溫兼外邪怯寒發熱頭甚痛胸悶舌灰黃邊沿紅用銀翹散加味玉樞丹二分沖服服後稍應改方用淡豆豉三錢鮮生地五錢（同打）冬桑葉二錢青竹茹三錢焦山梔三錢銀花三錢大白芍三錢粉丹皮五錢淮木通一錢廣陳皮一錢白茯苓三錢青子芩一錢二分廣鬱金玉樞丹各二分研末分二次沖藥汁服下另用絲通草一錢（去毛淨）鮮枇杷葉一兩先煎水一大碗去絲通草枇杷葉再放藥煎此方二劑後頭痛平熱覺退惟胸脘痞塞不開狀如初起鄙人診之斷爲穢邪挾飲伏結胸口網膜之間方用蘇葉八分地骨皮二錢青竹茹二錢薤白八分生只壳七分炒元胡二錢廣鬱金錢半白茯苓三錢全打瓜蒌三錢法半夏一錢炒去心象貝二錢青橘葉二錢控涎丹八分分二次藥汁送下此方

服後大便瀉瀉二次胸痞霍然能進飲食日即告全

又徐某俞某寒熱如瘧頭甚痛方用豆豉防風羌活桑菊生只壳丹皮銀花焦梔竹茹白芍柴胡等品亦用鬱金玉樞合研末沖服二劑告全今年伏溫之邪病人初起俱頭甚脹痛胸口作悶痞塞兩手脈或浮大急數或弦勁寒熱如瘧鄙人均用辛涼之劑重用桑葉甘菊山梔竹茹鬱金蘆根茅根枇杷葉玉樞丹宣穢透熱往往獲效與上年之溫邪似覺病象不同變幻多端無劃一之定型耳

腎虛陽浮宜慎忽浴案

前人

湖南章君劍侯去年六十有六係前清江蘇知縣光復後無志出山夜患遺洩症自失不覺已有大半年其腎氣之虛可知矣舊冬十一月十四日晚偕子赴浴浴回寒熱氣閉痰築徧體汗淋十五日早促鄙人往診左手脈浮大略緊右手浮大重按左右均無力高臥聲短語言不清鄙人以太陰感寒戴陽不降恐有閉脫之險方用灸

麻黃四分蘇梗二錢川桂枝一錢白桔梗七分炒赤芍錢半宋半夏錢半炒黨參錢半白雲苓三錢製附片七分炙甘草五分生蘿菔汁一小杯分二次沖服此方開畢返寓惴惴於懷見症如斯若不用宣肺竅溫腎陽散補兼施恐閉脫在卽如以尋常見嗽治嗽之方平平淡淡敷衍了事不負責任於學術良心不安倘投方後病劇難回指謗必多鄙人方內麻黃桂枝附片黨參等品卽爲集矢之的以錫地醫生視麻桂附片爲劇烈之品用者甚少躊躇竟夕寤寐未酣第二日章君之子未見召診益增心旌一片矣十七日早晨章君子來欣欣然有喜色據云前方服二劑今已熱退痰開可能平臥惟咳嗽未清遺洩依然復診方用蘇梗錢半宋半夏錢半炒黨參錢半炒黑當歸二錢炒冬朮二錢白茯苓三錢(包煎)旋覆花二錢煨益智仁八分生白芍一錢川桂枝一錢(鹽水炒)廣陳皮八分生甘草炙甘草各五分北五味二分同打鮮生薑一片此方服二劑諸恙俱全夜遺溺如故擬一丸方用大有著生熟

地黨參於朮茯苓五味天麥冬白芍附片桑螵蛸搖桂生炙甘草柴胡升麻等爲丸
日服三錢去臘章君感激自製七古詩一首並書棧軸相贈此去年交際情形也今
正月章君赴金陵友處一游友邀浴浴後感寒氣閉痰築出汗舊恙復發藥石無
靈竟溘然長逝於金陵客次老人腎虛陽浮乘浴沖動下難攝納故易脫變浴雖關
乎衛生有病老人不可不注意耳愚盲之見未卜當否

紫金錠治愈腦脊髓膜炎二例

富陽朱明初

一舍從弟婦何氏年二十三歲二月七日往診發病僅半日項部卽強直搖擗痺攣
症勢甚危經友人張君爲之穿刺腰椎斷定爲流行性腦脊髓膜炎適乏血清未
及爲之注射經余用紫金錠及點灸法（兼用強心劑及鎮痙劑）而愈

二陳兆鴻（住邑城）年三十二歲來診時發病已一日頭痛身疼眩暈嘔吐脊椎疼
痛項部已稍形強直經余用紫金錠竹瀝姜汁等及點灸而愈

與陳守真君論鬼病

嵇竹餘祥

鬼豈能病人哉實人自爲之耳人之身體爲精神物質二者構成而成骨肉毛髮物質之構造也思慮意識精神之作用也然物質無精神則終爲傀儡精神無物質則無所依附俗語云人身之中有三魂六魄醫書云肝臟魂肺臟魄魂魄者精神之代名詞也若魂魄脫離軀壳卽爲鬼朱文正公云返而歸者爲鬼春秋傳云新鬼大故鬼小若是鬼固人之幻影耳安能病人哉卽有之亦不外精神作用如心理學之幻覺錯覺妄覺等是青年子女情思甚切男思女女思男精神上起愛情之觀念久之精神集注於一方則成幻覺等諸現象與鬼狎褻無所不至維精神敏銳者此病難染精神愚鈍者此病易罹故關尹子云心蔽男女者淫鬼攝之維幼年情竇未開老年慾心已淡精神方面無愛情之觀念故此病甚少我國自古迄今東坡說鬼習以爲常精神感觸潛入腦海是以人之將死精神錯亂大病壯熱精神昏蒙能見鬼物

皆由病而累及精神者也歐美各國鬼神不信故罕有所見祥瑞摩精神學每於施術達深睡狀態時投以精神暗示能見已故之亡靈未召之親友一一如在目前相與笑語自若此精神作用成幻覺而然夫人之身體物質能病也精神能病也物質病能害及精神也精神病能害及物質也藥品爲物質治療可以治物質病不可治精神病足下云欲該病之痊者務當導入正路殊不知病者精神迷惑良言定必逆耳唯投以精神治療法確有治愈之能力此研究精神學者決非憶造以欺人也芻蕘之見未識然否還望有以教我

鎮江醫俗

袁綠野

嗚呼愚而自用智者弗爲病而曰崇重於巫而輕於醫此吾郡風氣習慣牢不可破者嘗觀病者二三日間曰發勞根否則檢玉匣記書符送鬼用白錢或黃錢數張向

某方行幾步送之如不愈輒關亡看水其關亡者谷乎爲關亡者妻兩家關亡者

婦人詣關亡婆處先報病家已亡人之名則關亡婆用盃一個內盛清水右手執筋於桌上連敲不住目視水盃蠻呼瞎喊裝作已亡人語氣繼則走差必先焚香點燭其走差之狀先打呵欠曰神來矣任意狂呼居然某神某神情狀則該婦跪而求之許以愿心病愈卽以三牲祭物到各廟了願其尤甚者曰燒大紙堂上掛滿神軸陳列豬羊祭物香烟藹藹燭燄煌煌鑼鼓聲喧其有文者數名稱陰陽先生安坐不動念呪請神更可怪者另有武者一名手舞叉棍跳躍不已口中南腔北調名曰曹師凡燒大紙必通宵達旦方罷每次必需六七十元之多以上諸事作罷病仍不已或反增劇者必先在神前請罪方始延醫當其醫生進門之際又於神前焚香告罪每見病家桌上安置酒杯多數一字排開勢若長蛇云有一杯卽有一神雖親隣無要事不進其門莫不有畏忌之態亦恐鬼神作祟也此智者見之足以解頤噴飯旣而藥已煎成必將藥於神前供過方與病人服下此吾郡之惡習雖死無怨言違論衛

生療病之道乎難怪吾道之常不明常不行也悲夫

釋方

江都陳龍池

掇數藥而曰方此名由來已古各方書每於丸散膏丹之下必加一方字一若丸散膏丹不足以別其類必須加一方字方可醒目者然遽觀之似若不通細究之實有至理夫方者形容之詞狀其物之四面相同耳試一面不及則不成爲方矣醫者用藥亦猶是耳蓋病者萬變藥亦有萬變對病發藥必須面面俱到不使漏其一面則此藥對於此病可稱之曰方若一味不足則方形欠缺矣如桂枝湯也用之於桂枝證則稱之曰方若桂枝證稍有增損而仍與以桂枝湯則桂枝湯不成方矣乃必須於桂枝湯中加減之始爲方也桂枝湯然各古方何獨不然或有曰執成方而治今病鮮有效者蓋此人未知方之道耳果吾所見之證與古人同則古人之方必效若不同而強用之方不與證合使古方不方效可得乎此焉可罪古人責己之不能方

耳故醫者對於病情古方必當細審若有一證不具則必須於古方中細究之自能使其對於我之證不方而方之則治一切證自能得心應手而今者不究方書不知古義病至必猜藥乃杜撰則效者自鮮枉死不得不遍天下嘻豈天運所至浩劫當臨乎若至富貴之家其延醫必至五六輩甲曰當用某藥也乙曰當用某藥也以全面子計乃悉用之及至方成不倫不類既非方而又非圓若曰怪物天下有覓不得也試問此等藥能愈病乎此所以有勿藥爲中醫之諺也嗚呼左道百出古藉淪亡自西醫來華國醫低首未始非方義失傳之有以致耳吾願同志諸公力祛此弊昌明國學共挽狂瀾則同胞之幸福矣

舌苔問答新解釋

宜春黃國材

古來診斷學確實可憑者厥惟察舌一法但辨色觀形多以五行爲引證而不免空虛之說故言之則似有理而行之則多不驗也是以鄙人不揣謏陋設爲問答以新

理解釋之

問舌苔淡白兼有涎沫何故 答凡病初起體溫不高津液未消耗或係寒性病故

現此苔也

問何故口起黏糊之感 答因消化器有妨礙又食物過多停滯不化而口腔起酸

酵腐敗發生濃厚濁沫所致也

問大人舌起白屑如鵝口樣何故(由經驗而知) 答因病有內熱使口腔津液失

殺菌之力而細菌乘機發育故生此種苔色也

問口中津液從何而來 答口有涎核三對曰耳下核曰頰下核曰舌下核分泌津

液以助消化(中醫僅言廉泉蓋未深察也)

問舌苔何以有濁膩白色 答因病菌發生毒素妨礙吸養放炭之機能致炭多養

少而分泌之口涎必腐敗化學原子亦易於化合故生此濁苔也

問何故苔如積粉 答因傳染病係一種細菌爲害蓋細菌之毒素傳至口腔與口涎化合故遂生此苔也

問滿舌白滑而尖獨鮮紅者何故 答因病毒侵入血分而體溫不高津液未耗故舌苔白滑而兼充血也

問苔何以現黃色 答因病漸重而口涎爲病毒變壞酸素減少炭氣堆積致滿口穢濁故苔厚而黃如植物然將腐時則必變黃又如化學之輕錄然汚則色黃

問舌苔黃而乾燥何故 答因熱度故高而消耗其津液所致也

問虛性病何以亦有黃苔 答因消化器之機能衰萎而口腔之細菌亦得逞其作用故也

問虛病與實病之黃苔何以鑑別 答虛病黃苔必嫩而潤實病黃苔必粗而燥

問何故發生黑苔 答因熱度過高而體內被酸素燃燒放出炭酸二定質結於舌

上或鼻孔故有此苔也

問何故發生灰色之苔 答因感寒性病而口涎失其本性則化學原子易於化合故歎尼酸與鐵化合而呈此灰色苔也

問舌何以生芒刺 答舌本有芒刺西醫用顯微鏡照之則可見然康健人不發現者因津液濕潤故柔軟隱匿若津液枯涸則芒刺立起也

問舌何以顯紅赤 答因病毒侵入血內致血濃厚充積而致也

問口內何以有苦味之感 答因膽汁上行於口涎內所致也

問口內何以有酸味之感 答因病時口內殘餘之食物逞化學作用發生酸汁也

問口內何以有甘味之感 答因口涎之阿特林與小粉化合所致也

問口內何以有鹹味之感 答因病血弱而血中之鹽質充盈於涎核內故也

問食橄欖山查梨等何以亦生黑苔 答是物含歎尼酸多量故成此鐵養歎尼酸

答盧育和先生論臍風症治意見書

蘭谿方肇元

育和先生有道讀一號紹興醫藥學報辱荷 賜書討論並臚列先哲良方捧讀之餘其殷殷保赤熱心溢於言表欽佩莫名比因年事遞嬗致稽答復深抱歉仄肇厠身商界對於醫藥學識僅藉餘暇涉獵方書自問毫無心得經驗研究都嘆闕如蓋臍風一症爲嬰兒初生一大關鍵天殤其中不可勝數前年余兒亦罹此厄其預防封臍散原方及元宵燈火治法施用悉不獲效嘗考臍風論症諸家雖有學說然議論紛紜莫衷一是其所言名稱範圍亦不相侔夏禹鑄云三朝七日謂之臍風其外皆非而他家則有十二朝四十日百二十日臍風之言一臘者七日也夏君已有注釋然世俗猶有誤解一臘爲一年此時期中苟遇有疾不問寒熱虛實皆以元宵燈火爲唯一秘訣灼肌爍膚火毒內攻卒至不救哀此無告嬰兒已不知若干數慘遭炙斃此項手術吾徽皆以老嫗爲之毫無意識其不至僨事者幾希僕考元宵燈火

一法於截風上却具特別效能宣營暢衛極其迅捷未可徧廢但能大開風門耗散元氣須審嬰兒強弱虛實辨症施用庶可無誤臍風診斷徵諸陳君復正所言似覺較確分爲內外二因有可治不可治之別外因者發於二三四五日之間病生於腑乃風溫所傷故可治內因者必發於六七日之間病生於臟乃稟父母真陽不足故不可治並謂嘗見一士產育十數胎皆男盡傷於七日內之臍風無一存者若謂外邪所傷何以獨傷此家之兒又豈無一兒能避之者此內因之顯而易見也又謂夏禹鑄之預防看法及摸兩乳小核法皆未可爲此症確據總以噴嚏多啼吮乳口鬆爲真候所列全身燈火類方僕皆未試用果否效驗不得而知嘗考兩乳小核嬰兒初生十有八九吾徽皆於第二朝捏去乳內白漿逐日數次以核散爲度間亦有不捏者其核亦能自散是則對於臍風又非盡以乳內小核卽爲維繫之兆也肇編輯

此書以預防法爲綱本上工治未病之旨以檢方而卑富三選月十齊文

麝來書以其香竄易召外邪除去加入肉桂末較原方益覺完善而無餘患誠堪敬佩今不辭謬陋謹與我仁慈保赤之盧君作一商榷拋磚引玉藉徵續教並乞諸有道俯賜診斷確論經驗良方及預防法俾彼呱呱同登仁壽僕不敏敢竭精衛微誠敬爲全國嬰兒請命也專此奉復並請

道安

致周小農君函

張樹筠

小農仁兄先生有道頃奉

還雲如親 雅範就論 履祉多綏允孚下祝前者 閣下與芾林所擬之方千妥

萬當必奏奇效洵非猜枚者可比也 華苻公症中西並治實屬一誤再誤弟雖忝

充醫官然而實際上並無干預之機不過略盡看護之責始終未立一方其所有經過情形以及諸君子所立之方弟均皆詳細記載以備公諸天下爲醫界研究之料

新學醫藥學
今荷 下問且擬研究眞先獲我心也現正搜羅一切不日必將種種事實另繕一冊敬謹呈上即請

斧正至感至盼專此希復順候

文安

致張君汝偉函

王祖滂

汝偉兄鑒所有拙著原本與聲明一則並附函度必均經 台閱今再直言奉達如兄醫鐸刊入拙著原本弟欣慰之至否則拙著既不愜

兄意則作爲罷論請

兄勿刊弟名是荷

附校勘記

前函乃兄嫌其太長句誤印作乃嫌其太長失印一字